



## **TOSHKENT DAVLAT YURIDIK UNIVERSITETI REKTORINING B U Y R U G ' I**

07.11.2023

664-tm-son

### **Talabaga hayfsan e'lon qilish to'g'risida**

Bugungi kunda universitetda yuqori malakali, zamonaviy yuridik kadrlarni tayyorlash maqsadida talabalarni ma'naviy-axloqiy tarbiyalash, ularning huquqiy madaniyati va ongini oshirish bo'yicha samarali tizimni yaratish, ularda yuksak ma'naviy-axloqiy fazilatlarni shakllantirish hamda rivojlantirish maqsadida bir qator kompleks chora-tadbirlar amalga oshirilmoqda.

Shunga qaramasdan ayrim talabalar tomonidan universitet Odob-axloq kodeksi qoidalarini buzish holatlari kuzatilmoqda.

Jumladan, 2023-yil 6-fevral kuni Sirdaryo viloyati Sardoba tumanida yashovchi universitetning Ommaviy huquq fakulteti 4-kurs Davlat-huquqiy faoliyat yo'nalishi talabasi Eshqobilov Asadbek Alqarboy o'g'li doimiy yashash hududida joylashgan o'zlariga tegishli bo'lgan savdo do'koni yaqinida akasi Eshqobilov Bobur Alqarboy o'g'li bilan birgalikda boshqa shaxslar bilan o'zaro janjallashganligi va fuqarolarga tan jarohati yetkazganligi aniqlangan. Ushbu holat bo'yicha oradan 6 oy o'tgach jinoyat ishi ochilib, shu yilning 22-sentabr kuni Jinoyat ishlari bo'yicha Oqoltin tuman sudi tomonidan talabaga nisbatdan ayblov hukmi chiqarilganligi holati aniqlandi.

Talaba A.Eshqobilovdan ushbu holat bo'yicha tushuntirish xati olinganida, u mazkur holatni tasdiqlab, ammo janjalda ishtirok etmaganligini, balki, uning jinoiy javobgarlikka tortilishiga ishni olib borgan tergovchining ma'suliyatsizligi hamda jabrlanuvchilar uning Toshkent davlat yuridik universiteti talabasi ekanligidan foydalanib pul undirish niyatida uning ham ustidan sudga da'vo arizasi kiritganligidan kelib chiqqanligini bayon etgan.

Talaba A.Eshqobilov mazkur harakatlari bilan TDYU Odob-axloq kodeksi 26-moddasi yettinchi xatboshisi (Universitet obro'-e'tibori va nufuziga dog' tushiradigan har qanday harakatlarni sodir etishdan o'zini tiyishga majbur), o'n birinchi xatboshisi (biron-bir noxush voqea yoki hodisa ro'y bersa, u haqda zudlik bilan Universitet rahbariyatiga xabar berishga majbur) talablarini buzgan.

Yuqoridagilarni inobatga olib, Oliy ta'lim to'g'risidagi nizom (ro'yxat raqami 1222, 2003-yil 22-fevral)ning 51-bandi, universitet Odob-axloq kodeksi 21-moddasi, 12-moddasi 4-5-xatboshisi, 17-moddasi to'qqizinchi xatboshisi hamda Toshkent davlat yuridik universiteti Ichki tartib qoidalari (ichki mehnat tartibi qoidalari)ning 83-bandiga asosan

## **BUYURAMAN:**

1. Universitet Ommaviy huquq fakulteti Davlat-huquqiy faoliyat yo‘nalishining 4-kurs talabasi Eshqobilov Asadbek Alqarboy o‘g‘liga hayfsan intizomiy jazo chorasi qo‘llanilsin.

2. Fakultet dekanlari (Sh.Saydullayev, D.Umarxanova, B.Musayev, D.Kamalova, A.Babadjanov) mazkur buyruq bilan qo‘llanilgan intizomiy jazo chorasini talabaning shaxsini sir saqlagan holda talabalar o‘rtasida shu kabi holatlar takroran yuzaga kelmasligi, ularda Universitet obro‘-e‘tibori va nufuziga dog‘ tushiradigan har qanday harakatlarni sodir etishdan o‘zini tiyish hissini shakllantirish maqsadida barcha talabalar e‘tiboriga yetkazish choralarini ko‘rsin.

3. Ommaviy huquq fakulteti dekani (Sh.Saydullayev):

mazkur holat va shu kabi qoidabuzarlik ushbu talabalar tomonidan takroran sodir etilsa, talabani talabalar safidan chetlashtirish mumkinligi to‘g‘risida ogohlantirsin;

mazkur talabaning shaxsiy hujjatlar yig‘ma jildiga buyruq nusxasi tikilishini ta‘minlasin.

4. Mazkur buyruq bajarilishini nazorat qilish Yoshlar masalalari va ma‘naviy-ma‘rifiy ishlar bo‘yicha birinchi prorektor A.Xashimhonov zimmasiga yuklansin.

**Rektor v.v.b.**



**I.RUSTAMBEKOV**

Toshkent shahar

**Kiritildi:**

Dekan (fan doktori yoki fan doktori  
(Doctor of Science) ilmiy darajasiga  
yoki xorijiy davlatlarning unga  
tenglashtirilgan boshqa ilmiy  
darajalariga yoki professor ilmiy  
unvoniga ega bo'lgan)

SH.SAYDULLAYEV

**Kelishildi:**

Yoshlar masalalari va ma'naviy-  
ma'rifiy ishlar bo'yicha birinchi  
prorektor

A.XASHIMHONOV



Direktor

SH.PO'LOTOV



Katta yuriskonsult

A.TURSUNOV

